

ELKARRI

Elkarretaratzea egingo dute gaur legez kanporatzearen aurka

Elkarri gizarte mugimenduak elkarretaratzea egingo du gaur arratsaldean Bilboko Arriaga antzokiaren aurrean, 19:00etan. Bihar Auzitegiaren deklaratu behar duten lagunen kontrako akusazioekin eta legez kanporatzearen estrategiarekin desadostasuna azaldu nahi dute horrela. *Berdintasuna aukera politiko guztientzat* izango da mobilizazioaren leloa.

SEGI

Ikastetxeetan itxialdiak egingo dituzte gaur gauean

Herritar talde batek antolatuta biharko eta etziko antolatutako mobilizazioekin bat egin du Segi gazte erakundeak. Ildo horretan, itxialdiak antolatu ditu ikastetxeetan gaur gauean. Itxialdien amaiera gisa manifestazio zaratsuak egingo dituzte bihar eguerdian. Segik itxialdi horietan parte hartzeko deia egin dio euskal gazterari, «zapalkuntza eta ofentsiba basatiari erantzuteko».

HERRIETAKO MOBILIZAZIOAK

Soraluzen itxialdia egingo dute udaletxean, bihar iluntzean

Herrietan ere mobilizazioak egingo dira bihar Auzitegiaren izango diren agerraldiak direla medio. Soraluzen (Gipuzkoa) mobilizazioa antolatu dute bihar iluntzeko 20:00etan. 20:30ean itxialdia egingo dute udaletxean. Mobilizazio horiek antolatu dituzte, «salbuespen egoerari erantzuteko». Era berean, hilaren 19rako lanuzteak antolatu dituzte, goizean eta arratsaldean.

ANV-ANB

Bat egin du ANVk hilaren 13, 14 eta 19rako antolatutako ekimenekin

ANV-ANB alderdiak bat egin du bihar eta etziko, eta datorren asterako herritar talde batek antolatu dituen mobilizazioekin. EA, EAJ eta EB-IUri galdegindio ANVk, «zer gehiago gertatu behar da Euskal Herrian, zer astakeri handiagoa egin behar du PPko gobernua bereaiek zerbait egiteko». Jaurlaritzari egotzi zion «estatu espainiarraren politika errepresiboa betetzea».

ESANAK

JON IDIGORAS

(HBko bozeramaile ohia)

«Berriz okertu dira. Aurrera egingo dugu. Ez gaituzte garaituko. Etorkizuna gure eskuetan dago»

ARNALDO OTEGI

(Batasuneko bozeramailea)

«Hemen gaude estatu faxistei aurre egiteko eta dei egiten diegu itxialdi eta lanuzteetan parte hartzeko»

Autoaren atzean «motibazio politikoak» ikusten ditu EAK

Erredakzioa | DONOSTIA

Bihar Espainiako Auzitegi Nazionalen deklaratu behar duten lagunen inguruan Baltasar Garzon epaileak kaleratu zuen autoari buruzko zenbait kezka agertu ditu Eusko Alkartasunak ohar batean. Garzonek lehendik eginiko beste auto batzutan errugabetasun presuntzioa edo defentsarako eskubidea alde batera utzi izan dituela dio EAK, eta beraz, zalantza dituela oraingo prozedura honetan beharrezkoak diren printzipioak betetzen ote diren.

Ekinbide judizialaz haratago, «botere banaketaren printzipioaren urratze larria ikusten dugu, eta bereziki botere judizialaren independentziari eragiten dio», dio oharra. Ildo horretan, EAren ustez, Garzonek autoaren atzean irizpide juridikoak baino, «motibazio politiko argia» dago, «eta Madrildo Gobernutik askatasun demokratikoen murrizketarako bideratzen ari den estrategiarekin bat dator». Gauzak horrela, Garzonen erabakiak «erabateko indefentsioan» uzten ditu inplikatuak, EAK dioenez, «eta gainera aurrekari bat sortzen du, gatazkaren larritzea ekar dezakeena».

Gauzak horrela izanik, EAK mota horretako ebazpen judizialekin «desadostasuna» agertzen du. Bere ustez, gai judizialak konpontzeko bide juridikoak beharrezkoak dira, baina botere politikoari dagokio elkarrikeria bideak eta giza eskubideen errespetua bultzatzea, Euskal Herriko gatazkaren konponbidea hurbilatu egon dadin.



Espektxeraturakoen senideak eta Kepa Landa abokatua (erdian) agertu ziren atzo prentsaurrekoan.

«Argudio juridikorik gabe daude preso 'herriko tabernen' auzian atxilotuak»

Auzitegi Nazionalak gaur aztertuko du kartzelatzearen aurka jarritako helegitea

Axun Erzibengoa | DONOSTIA

Iragan apirilaren 29an Baltasar Garzon Espainiako Auzitegi Nazionalen epailearen aginduz 11 lagun atxilotu zituzten, *herriko tabernen* aurka eginiko polizi operazioan. Haietatik bederatzik preso jarraitzen dute, eta espetxean izateko «argudio juridikorik ez» dagoela salatu zuten atzo haien senideek. Kartzelatzearen kontrako apelazio helegitea aztertuko du gaur Auzitegi Nazionalen Zigor Arloko Lehen Atalak, eta «Garzonek eginiko okerra zuzendu eta aske uzteko garaia» dela iritziz dio Kepa Landa abokatuak.

Jon Gorrotxategi, Rufi Etxeberria, Joseba Garmendia, Jaione Intxaurrea, Juani Lizaso, Idoia Arbelaitz, Kike Alaña, Patxi Bengoa eta Jose Luis

Franco dira kartzelan jarraitzen dutenak ETako kide izatearen akusaziopean. Pertsona horien egoera ikuspuntu juridikotik begiratuta «erabat irregularra» dela esan zuen Landak. «Inputazio kolektibo baten baitan daude preso. Hori oso larria da, oinarritzko eskubide bati buruz ari baikara, eta hura murrizteko beharrezkoa da akusazio zehatzak izatea». Are larriagozat jo zuen egoera, arrazoi berengatik inputatuta dauden beste lagun batzuk aske daudelako.

«Ez dago azalpenik pertsona horiek preso egoteko, prozedura judizial batean gaitu gisa erabiltzea ez bada», esan zuen abokatuak. «Espetxean daude aktibitate sozial eta politiko guztiz jakinak egiteagatik».

Kartzelatutakoen senideek ere salatu zuten haiek preso ja-

rraitzea. «Gure senideak arrazoi politikoak medio daude espetxean!», adierazi zuen Maialen Ezkerrak.

Espetxeratuek egiten zuten lana zein zen adierazi zuten senideek: elkarrekin sozio-kulturetan dinamizazio lana edota, elkarrekin koordinazioa. «Lan arrunta», esan zuen Ezkerrak, «Baina gure senideek Euskal Herriaren subiranotasunaren alde dauden elkarrekin egiten zuten lan. Eta hor dago kokka! Arrazoi bakar horregatik kartzelatu dituzte», esan zuen. Horretarako ETarekin nahastea nahikoa izan dela esan zuen, «inolak frogarik gabe».

Espainiako Estatua «herriaren nahiak zapaltzen behin baino gehiagotan saiatu» dela esan zuen Ezkerrak, «eta horretarako abiatu zuten kanpaina mediatiko-politiko-militar-juridiko hau. Ezker abertzalearen aurka erasoarekin desagerrarazi nahi dute subirautearen aldeko mugimendua».

dago», gaineratu zuen Jon Idigorasek. Arnaldo Otegik, berriz, aldaketarako giroarekin lotu zuen HB, EH eta Batasunaren kontrako eraso. Autonomismoaren eta lurralde zatiketaren estrategia gainditutzat eman zuen eta gaur egungo eztabaida nazionala ezker abertzaleak defendatuko koordinatetan kokatu zituen Otegik. Honela laburbildu zuen eztabaida horren edukia: «Euskal Herria bada, herri bat gara, autodeterminazio eskubidea, estatus instituzional eta politiko berria, Euskal Herria Europar». Eduki horien inguruan bideratutako prozesua azken muturraraino eramateko «nahiko ezugarri» dituna ezker abertzalea izanik, horregatik gertatzen ari da «mapa politikitik desagertazteko saioa», esan zuen Otegik.

Bihar goizeko 9:00etan Mahai Nazional ezberdinetako 20 kidek dute hitzordua Auzitegi Nazionalen 5. instrukzio epaitegiaren. ETako kide izatea leporatuz, Garzon epaileak deitu ditu, baina ez dago argi, osasun arrazoiak direla medio, Garzon bera izango ote den diligentsia gauzatzeko. Mahaikideen abokatuak, bestalde, segurtasun neurriak eskatu dituzte.

Bestalde, Otegik doluminak adierazi eta besarkada beroa bidali zien Cabo Verden hil den Anjel Lete Etxaniz deportatutakoen senideei eta legazpiarrei.